

阮踮佇庄跤，多數的人厝裡攏有菜園，愛食啥就種啥。厝邊隔壁定定會比並啥人種的菜上婧、收成上濟，所以逐家攏嘛足頂真咧顧菜園。像阮阿媽七十外矣，逐工早起手面若洗好就先去菜園巡巡看看咧，若毋是沃菜，就是掠蟲、薻草，攏毋捌聽伊咧喝忝。我實在想攏無，種菜敢有遐好耍？

有一工，阮學校雄雄出現一台足怪奇的機器，一粒頭四四角角、紅記記，頭前閣有大大葩的電火；兩粒輪仔誠大粒，袂輸阮阿母共小弟洗身軀的浴桶咧。另外，下面猶閣有五个親像電風的鐵鉸輪，阮這陣學生囡仔是目睷禡金金，佇邊仔咧嗤嗤吡吡，袂輸看著電影內面的機器人咧！

落尾，阮主任講彼隻機器人號做鐵牛仔，是欲借來學校紡塗，準備成做每一班種菜的菜股。「啥物！」我有聽毋著無？欲踮學校種菜？我腦海中浮現下課愛去菜園薻草恰掠蟲的畫面，心肝頭煞搖一下。橫直嘛毋知影有啥物齣頭，先莫煩惱起來園，古早人毋是講「時到時擔當，無米才煮番薯湯。」

過無佸久才知影，這是學校欲推揀的「食農教育」，欲教阮按怎用天然無毒的方式來種作。專家講蟲是上巧的，無毒藥仔的菜伊才欲食，猶毋過蟲有一步糗，就是伊的目睷看無，干焦會當用鼻的，所以咱只要予蟲鼻袂著食物佇佗位，就會使避免對農作物的危害矣。巧巧蟲拄著人類猶原嘛是變無步。阮共白菜子掖落塗了後，就佇菜園的四箍輾轉種九層塔，因為九層塔的芳味會予菜蟲戇戇楚，揣袂著佗位有菜葉通食。

成個月了後，阮彼股白菜已經會當收成囉！青翠的菜葉油光油光，發甲茂茂茂，實在予阮足有成就感。老師予阮一人揸一袋白菜轉去，連阮阿媽都呵佬甲會觸舌，講哪會遮勢種。

農藥恰化學肥對身體健康有真大的危害，現此時遮濟文明病攏是食食無安全所引起，這擺學校種菜的經驗毋但予我了解欲按怎種健康的菜蔬，嘛予我知影善待環境的重要，實在是一兼二顧。

（摘自教育部閱讀越懂閩客語 920 期 2020-05-07）

2020 年國風國中閩南語校內朗讀暨演說比賽

[錄音檔](#) ←請按此連結

一、朗讀

1. 朗讀篇目：學校種菜誠心適
2. 朗讀時間含問候語二分半鐘，聽到鈴聲或前三段朗讀完畢請即結束下台。
3. 評分項目：語音 45 分、情緒語調 45 分，台風 10 分。
4. 衣著服飾乾淨整潔、面帶笑容、舉止得宜是台風得分關鍵。

二、演說

1. 演說題目：學校種菜誠心適
可參考朗讀稿及音檔，自編三分鐘小故事講述田園趣事，演說內容不限。亦可直接以朗讀稿當講稿，不過須有完整的結尾敘述。
2. 朗讀時間含問候語三分鐘，聽到一短鈴聲為二分半鐘，二長鈴為三分鐘，不足二分半鐘或超過三分鐘適當扣總分五分。
3. 評分項目：內容(自編率)50 分、語音情緒 40 分、台風 10 分。
4. 能夠不留痕跡蘊涵一個有思考性的道理、具互動感、唱作俱佳的演說才是得分關鍵，過分雕琢的語調反而不受青睞。